

明史攷證擴逸

九六

蘇平知  
卷之九

明史攷證攬逸卷十八

長洲王頌蔚編集

列傳第九十三

朱紱傳製壙志作絕命詞

絕改侯

○按紱自撰壙志內有

俟命詞此作絕誤

張經傳入城大掠賊復陷崇德

賊字移入字之上

胡宗憲傳會御史汪汝正籍羅龍文家上宗憲手書○

按識大錄時嚴世蕃羅龍文以謀叛論斬籍何東序  
謝廷傑因搆與宗憲仇者謂其侵匿龍文財產因而  
逮繫與史所載宗憲下獄事互異

曹邦輔傳謫戍朔州○按獻徵錄邦輔謫戍朔州時吳

人感其功德爲生祠祀之

李遂傳忤尙書夏言因事劾之下詔獄○按識大錄始言善遂旣數見遂據經辨諍因銜之給事中曾朴適以駁論忤言言謂遂與朴善意遂主之未有以發也後劾遂無故不參公座因指其平日會友講學結朋黨變亂是非故下詔獄

卒贈太子太保○按獻徵錄識大錄贈太子少保與此互異

唐順之傳淮揚適大飢條上海防善後九事○按名臣實錄順之以淮揚重地值歲歉請於朝得餘鹽銀二萬兩以振又自捐俸金令有司以次捐俸易米散各

鎮爲粥以食飢民所載九事甚詳約千餘言

列傳第九十四

馬錄傳章下都察院○按章下都察院時尙書席書助郭勛爲李福達地訐事杜鸞劾書及勛請將二人先正國法徐命多官議福達罪不報見明史紀事本末會給事中王科鄭一鵬程輅常泰劉琦鄭自璧趙廷瑞沈漢秦祐張達陳皋謨御史程啟充盧瓊邵幽高世魁任漳南京御史姚鳴鳳潘壯戚雄王獻訐事杜鸞刑部郎中劉仕主事唐樞交章劾勛○按給事常泰徐溝人方馬錄按山西時三司會鞫錄咨於常泰泰爲言張寅卽係福達灼然不疑至是泰又疏論之見

明史紀事本末

遂搜錄篋得大學士賈詠都御史張仲賢工部侍郎閔楷御史張英及寺丞淵私書○按張英先爲山西巡按時福達事發布政使李璋等以獄上英已如訊會任滿代還錄往治其事見明史紀事本末

率同連名

同改衆

○按明實錄作率衆

謫戍邊衛者七人琦達泰瓊啟充仕及知州胡偉○按胡偉爲代州知州方薛良發李福達事偉訊鞫具獄以上故併罪之見明史紀事本末

馬錄附傳出爲湖廣僉事○按沐由僉事遷福建副使入覲時楊一清應詔薦天下諸司才堪公輔者十六

人以沐爲首見獻徵錄

劉琦字廷珍洛陽人○按琦爲陝西延安府洛川人故得知福達逃洛川事呂柟靜野集及題名錄並作洛川此誤

琦疏陳顛末○按琦嘗因災異陳親賢去佞仁民恤軍選將信賞明罰七事且請倚大臣爲腹心任言路爲耳目見明實錄

盧瓊字獻卿○按瓊於世宗卽位時疏請盡撤天下鎮守中官並爭興獻王皇號見嘉隆奏議及明實錄

遂并漢收繫除其名

刪漢字其字

天啟初贈少卿

贈下加光祿二字

○按瓊降行人司正後遷光

明史紀事本末 卷一百一十五  
二  
祿丞天啟初贈光祿少卿傳刪遷光祿丞事則所贈少卿無所指實

授藍田知縣○按王科令藍田時有近境土賊馬隆輩三百餘人謀攻藍田科設方略防守據阨隘給械甲請兵剿捕遂不敢犯而退見郭樸所撰科傳

程啟充傳清寧宮小房火○按本紀作清寧宮後殿火五行志作清寧宮後三小宮災並與此互異

張達傳嘉靖元年授刑科給事中○按嘉靖初給事史道坐許楊廷和下獄尙書彭澤詆道橫議達言道以諫官言事本許直陳可也至欲倒持政柄而去內閣之權澤以議論大臣當存體統可也至欲因噎廢食

而箝言官之口且今日大臣未嘗面對而論者以爲太重言官罕承俞旨而說者以爲橫行因一事之失而傷莫大之體此有識所謂竊歎也見嘉隆奏議

蔣綸市寵○按喬宇傳作蔣輪

頌蔚按錢薇傳亦作輪

鄭一鵬傳督師討大同叛卒○按大同卒殺巡撫張文錦首倡者爲郭鑑時廷議擢桂勇爲總兵按察使蔡天祐爲巡撫朱振故以總兵官逮繫在獄郭鑑等出之脅令主兵振要以勿犯宗室勿掠倉庫勿縱火殺人衆遂稍戢桂勇因定計禽鑑斬之鑑父又糾徐甦兒等倡亂報復先後亦就誅天祐等因以書止胡瓚見明史紀事本末



唐樞傳至所言張寅之卽福達卽李午實有明據○按福達初爲其仇薛良所首獄上時山西巡撫畢昭以福達果屬張寅並非李午爲仇家所誣盡反其獄坐良誣告獄未竟而昭乞養去李珏時爲山西按察蓋承畢昭指也會馬錄出按窮治其事洊成大獄見明史紀事本末

頌蔚按陸粲傳旣據獻徵錄及貞山文集改張福達爲張福此亦應一律改正

又留心經世略九邊及越蜀滇黔險阻阨塞無不親歷○按樞於嘉靖三十四年嘗與鄒守益羅洪先等並舉邊才尋報罷見明實錄

葉應驄傳立罷旦擢紀代之○按喬宇被劾致仕卽起楊旦爲吏部尙書旦赴召時於途中馳疏劾璫萼陳

沈遂承璫萼指劾旦改擢廖紀旦固未履尙書任也  
見明實錄

陸粲傳尋偕御史郝元洪清覈馬房錢穀○按粲陳馬  
政十事曰稽實數省虛費免會派減旗軍處牛羊嚴  
買補革冗員禁饋遺謹防範立公署見粲所著貞山  
文集

爭張福達獄

達改之

○按熊浹傳作張福無達字獻徵錄

及粲文集並同

南京禮部尙書黃綰

尙書改侍郎

○按本紀綰以嘉靖十八

年起爲南京禮部尙書綰本傳七年爲南京禮部侍  
郎粲上疏時綰正爲侍郎粲文集疏稿下作侍郎此

明倫彙編  
五  
誤作尙書

邵經邦傳授工部主事○按嘉靖二年詔工部爲陳皇后父泰和伯陳萬言治第其費當白金六十萬經邦力諫不宜寵待外戚太過由是直聲大起以憂歸復補刑部見汪琬鈍翁類藁

惟經邦與豐熙等八人不在赦例○按八人爲豐熙楊慎王元正馬錄呂經馮恩劉濟邵經邦見明實錄

劉世揚傳歷吏科左給事中○按世揚爲給事時與同官劾罷兵部尙書李時中見明實錄

世揚等乃盡劾璫萼黨尙書王瓊而下數十人○按世揚等所劾言總督尙書王瓊諭德彭澤中允孫承恩

大理寺丞葉忠御史儲良才五臣宜斥順天府尹黎  
奭中允廖道南編修金璐僉都御史李如圭大理少  
卿曾直南京太常卿方鵬六臣宜黜調刑部郎中劉  
汝輓工部郎中丁洪員外郎金述吏部郎中胡森主  
事王激禮部員外郎張敬御史敖鉞司業江汝璧待  
詔葉幼學刑部員外郎張寰太僕丞姚奎編修張袞  
給事魏良弼御史陸夢麟戶部員外郎郭憲十五臣  
宜參酌去留見明實錄

但去編修金璐御史敖鉞

敖改敖鉞下增  
儲良才三字

待詔葉幼學儲良才

刪儲良才三字

○按儲良才官御史此列

待詔誤

中言大學士石瑤貞介

瑤改瑤下同

○按宰輔表及石瑤傳

並作瑤

劉世揚附傳尙書林俊以執奏獄囚李鳳陽被旨詰責

○按李鳳陽爲中官崔文家人因事下刑部獄文取中旨移入鎮撫司俊留不遣俊傳作陽鳳與此異

魏良弼傳劾罷提督五軍營保定侯梁永福

侯改伯

○按

梁銘封保定伯子瑤進封侯仍予世襲伯爵永福爲瑤孫本襲伯爵見功臣世表此譌伯爲侯

孚敬奏良弼挾私○按良弼於十一年四月巡視京營薦舉襄城伯李全禮等署都督僉事牛桓等指揮僉事王定等十五員發閣擬票閣臣謂其濫保罰俸兩

月至八月良弼因修省求言遂劾孚敬孚敬詆其挾私報復蓋指前擬票罰俸言之也見孚敬文集奏疏列傳第九十五

鄧繼曾附傳最字振廷崇仁人○按劉最曾道獲遺金默坐以俟後得遺者還之詳陳九川所撰墓志

楊言傳坐事再謫知彝陵○按再謫知彝陵亦爲忌者所傾及後爲湖廣參議忌者復傾之遂鐫籍以歸詳獻徵錄及識大錄

辭侃傳歸語兄助教俊○按明書侃兄俊字尙賢以博學有行著信於鄉閭侃少師事之

楊名傳童子時督學王廷相奇其語○按識大錄王廷

明倫彙編  
七  
相立之坐隅難以經史應答如響廷相器之

明年以第三人及第○按名廷試對知人安民策日未  
仄援筆萬言世宗覽之批云能守聖學以爲本此乃  
知要之說置一甲第三人事詳識大錄

久之卒○按識大錄名卒年五十有五

張選傳選治蕭山有聲○按黃正色所撰墓志云選離  
蕭山任時士民爲立生祠祀之

家人投良劑得甦○按黃正色所撰墓志云藉諸元老  
洎同鄉諸君投之砭劑幸獲生與此微異

王與齡傳遷文選郎中○按與齡遷文選郎中時以用  
天下人才爲己任上疏條故事請抑奔競清仕途重

撫臣責成守令奏報詳趙時春所撰行狀

列傳第九十六

汪應軫傳遂出爲泗州知州○按應軫去泗之日行李蕭然父老送者皆泣下建祠立碑紀其去後思詳諸大綬所撰墓志

所上凡三十餘疏○按應軫三十餘疏史僅舉其三餘未臚列考諸大綬所撰墓志亦僅言申王守仁之謗留林俊諫垣之任遵典禮崇正統諸疏而已

黎貫傳授御史刷卷福建○按貫刷卷福建時兼有劾倉庫軍衛器械之職故追尙春銀十三萬有奇種三十六萬石見識大錄



明倫彙編 家範典 卷一百一十五  
貫率同官合疏爭之○按識大錄貫率同官合疏時汪  
鉉使人止之曰疏上必得重禍且將命爾按粵西矣  
貫不聽疏上果震怒後鉉迎合孚敬欲置諸死許讚  
力持之怒稍解乃罷爲民

錢薇傳又疏劾大學士李時禮部尙書夏言工部尙書  
溫仁和外戚蔣輪○按蔣信所撰墓表云是時臺諫  
畏李時諸人莫有言者薇上疏論其傷大臣之體

顏鯨傳已上漕政便宜六事○按六事史未詳載考識  
大錄及獻徵錄云省糧耗惜夫力支折銀恤班軍任  
監兌查稽誤

列傳第九十七

楊最傳立下詔獄重杖之○按最被杖係嘉靖十九年八月事

馮恩傳帝用閣臣議分建南北郊且欲令皇后蠶北郊○按明實錄嘉靖九年三月皇后親蠶於北郊五月作四郊從夏言之議

馮恩附傳帝果罷鉉官而責宗鎰言不早○按雷禮列卿年表汪鉉以嘉靖十四年被劾致仕後謚榮和

楊爵傳割道殍食之

殍改莩

○按字書莩芳無切葭蘆也

古通殍至殍字則平表切其義專指餓死者而言傳云道莩蓋謂以野菜爲食也若作殍則是人相食矣爵疏詆符瑞且詞過切直帝震怒立下詔獄○按賀雪

在嘉靖二十年正月爵抗言下獄卽在二月

有神降於乩帝感其言立出三人獄○按獻徵錄上用箕降神之言楊爵與周怡劉魁俱得釋上特爲箕神造臺太宰熊浹極言不可上怒罷熊爲民而復逮三人

周怡傳從學於王畿鄒守益○按畿號龍谿守益號東郭皆王守仁講學弟子見獻徵錄

陳新政五事○按怡所言五事一曰定君志二曰畏天命三曰敬大臣四曰擇左右五曰勤朝政見姜寶所撰墓志

劉魁傳得寶慶府通判至潮州府同知○按魁判寶慶

五年守鈞州七年貳潮州六年所至民思爲立生祠  
見獻徵錄

得釋未幾復追逮之

至

趨就獄○按唐伯元所撰傳魁

下獄有百戶戴經者藥之得不死旣釋復逮又有校尉楊棟者食之得不死又魁之弟名元亦見伯元所撰傳

沈束傳他如董賜江瀚力抗強敵

至

宜賜祭以彰死事

忠○按明實錄嘉靖二十八年二月俺答寇宣府滴水厓把總江瀚指揮董賜戰死遂犯永寧周尙文力戰敗之斬其魁

踰年俺答薄都城○按俺答薄都城時束在獄聞狀具

疏請以精騎督戰且設計傳檄諸路出奇夾擊被嚴  
嵩斥去謂囚安得上書見獻徵錄

後同邑沈鍊劾嵩嵩疑與束同族爲報復○按餘姚趙  
錦上虞徐學詩會稽沈鍊與沈束皆先後上書論嚴  
氏時號越中四諫

沈鍊傳謫佃保安○按鍊謫保安時值歲大祲傾橐裝  
作粥粥飢者收百里內骸骨買地瘞之故保安人皆  
感德見獻徵錄

旣而代鳳毛者路楷亦嵩黨也○按王世貞所撰墓志  
路楷行時世蕃爲酒壽楷謂除我患事成大者侯小  
者卿故後楷順輩有薄賞之語殺鍊子不遺餘力也

楊繼盛傳鸞中情怯畏寇甚方請開互市市馬○按嘉靖三十年三月開馬市於大同先是仇鸞結俺答義子使貢馬互市俺答乃投譯書於宣大總督蘇佑鸞與嚴嵩定議每歲兩市以侍郎史道領其事時繼盛爲車駕司員外郎乃上疏

鸞冒禽哈叭兒功

明改舟

○按外國傳哈叭兒係中國人

三衛用之以導俺答入邊至嘉靖三十年爲總督何棟購捕伏誅時鸞引爲功故劾之此作哈叭兒誤

其妻張氏伏闕上書○按徐階所撰墓志繼盛嘗獨居深念妻張氏問故公曰吾受上恩思報耳張氏曰嚴相方用事豈君直言時耶公不應遂於癸丑正月上

疏

楊繼盛附傳兵部尙書趙錦疏辯○按繼盛得罪後兵部郎中周冕申論嚴效忠冒功事亦下詔獄雲南清軍御史趙錦以元旦日食疏請罷嵩亦逮問下獄趙錦字元樸餘姚人時有兩趙錦一爲兵部尙書一卽雲南清軍御史也

楊允繩附傳出治二洪○按陳愷所撰馬從謙墓志從謙署彭城飭典修令初徐梁牽夫不習水性因檄州官以粟募能水者充役有召則于夫卽集又二洪之險舟觸立碎因捐俸募石工去其害

竟死杖下○按獻徵錄從謙未死數日前出書教諸子

且諭散粟帛以與親故無一語及家事

列傳第九十八

桑喬傳賊遂深入天城陽和○按天城陽和二衛名俱大同縣所轄地見明一統志

謝瑜傳會給事中朱隆禧亦以爲言

亦以爲言改亦言之

瑜隆慶初復復下增官字○按瑜隆慶初復官此脫官字於

義不足

謝瑜附傳嵩憾甚○按嵩深憾王暉時辭應旂爲南考功郎中主京察嵩令尙寶丞褚傑貽書應旂令黜王暉應旂反黜褚傑嵩愈愠甚尋假他事奪其官見辭應旂方山集及本傳



沈良才秦州人

秦改

○按秦州志及題名錄良才嘉靖

十四年進士揚州府泰州人

徐學詩附傳秦府永壽王世子惟燧

世改

○按懷塏爲

永壽共和王庶長子惟燧之子惟燧乃共和庶六子  
不得稱世子此誤庶爲世據明史記事本末及諸王  
世表改

厲汝進傳並謫雲南廣西典史○按汝進得雲南亦佐  
典史秉彝得雲南定遠養正得雲南通海起宗得廣  
西荔浦祿得廣西荔波見明實錄

王宗茂傳廣布良田

布改

○按原疏作廣市良田

周冕傳冕極言教諭不可緩

教諭改

○按諭教太子本

漢書賈誼傳此作教諭誤

趙錦傳授江陰知縣○按錦在江陰時有巨盜許貴出沒剽劫爲害以計禽之上官有以供需責者抗辭不應請自就劾其後錦官光祿奏減江陰歲進子鱗之半由爲令時深知其害也見獻徵錄

召拜左都御史○按錦召拜都御史時甚負物望御史李植江東之諸人推轂甚力而植等方攻大臣諸大臣申時行許國楊巍輩皆杜門求去朝端譁然錦疏言言官劾大臣當權其生平人品事業不宜概詆毀乞慰諭大臣責御史言過以存國體帝爲下詔戒諭諸大臣獲安見明實錄及弇山史料

其冬以繼父喪歸

父改母

○按錦父墳於錦削籍後之八

年卒其由都御史遭喪蓋丁後母魯太夫人憂也見朱賡所撰墓志此誤母爲父

吳時來傳倭犯境○按時來在松江防倭最爲有功方倭去松江將突南都時來獻議當事亟檄吳江令泄太湖水出平望趨澱山湖以水兵塞諸隘賊果由樵李道平望阻水不得進爲官兵遮擊有王江涇沈家莊大捷見莫如忠所撰紀功碑

如趙文華王汝孝張經蔡克廉

至

虛官帑以實權門○

按時來原疏云趙文華饋遺數萬猶爲未足而授草引疾張經被逮行金五千及聖斷不貸而爲治喪賻

卹王汝孝失律以三千而轉京卿楊順誤國而三廢其子吳嘉會修邊侵冒而驟遷三官此蓋取其語而刪節之也見嘉隆奏議

晚節不能自堅委蛇執政閒連爲饒伸薛敷教王麟趾史孟麟趙南星王繼光所劾○按是時南京御史王藩臣劾巡撫周繼不具揭都察院爲院長耿定向所劾時來因請申飭憲規藩臣坐停俸薛敷教遂上言時來壅遏言路代人狼噬諸給諫相繼攻之時來因乞休見敷教等傳

張翀傳世蕃以狙獠資

狙獠改駟僧

○按世蕃以駟僧資原

疏作駟僧本史記此誤作犬旁

獸攫鳥鈔

鳥改

○按周禮鄭注鳥鳶喜鈔盜便汙人嘉

隆奏議作鳥鈔此誤爲鳥

鄒應龍傳會方士藍道行以扶乩得幸○按帝入方士  
藍道行言有意去嵩鄒應龍避雨內侍家知其事方  
欲具疏一夕夢出獵見一高山射之未中東有培壘  
樓其下甚壯樓俯平田有米草覆其上一注矢拉然  
醒而悟曰此小兒東樓之兆也遂上疏劾世蕃見明  
史紀事本末及嵩傳

久之世蕃誅○按世蕃誅後應龍累進大理少卿太常  
卿大理卿見明實錄

林潤傳以事之南豐寇猝至

南改

○按潤卻寇事永豐

人德之爲刻石紀功徐觀瀾所撰傳亦作永豐此誤  
永爲南

已劾副都御史鄢懋卿五罪○按林潤所劾懋卿五罪  
一爲要索屬吏饋遺二爲濫受民訟勒富人賄三爲  
置酒高會日費千金四爲虐殺不辜怨咨載路五爲  
苛斂淮商幾至激變見嘉隆奏議

贊

言者踵至

至

適會其時歟

改言者抗疏直諫雖不至如楊沈之慘罹刑戮然斥逐濱

死甘之如飴亦有足多者若胡汝霖謫官之後反附  
嵩以進吳時來屢挫之餘竟委蛇朝端識者譏其晚  
節之不堅焉顧一以嵩黨奪官一以朝議削謚洵哉  
直節之不可以僞爲也鄒應龍林潤當嵩寵旣移之  
際所言易入迹其疏之切直非必過於諸人而大憝  
由之授首蓋惡積滅身而鄒林之彈擊乃適逢其會

歟

○按作贊從嘉靖立議而專書鄒應龍林潤似於桑喬等之直言及汝霖時來之晚節轉致漏略

明史攷證攬逸卷十八

明史攷證攬逸卷十九

長洲王頌蔚編集

列傳第九十九

馬永傳永當隸彬稱疾避之○按識大錄永稱病江彬強起之後稱病篤以故得脫彬禍

遼東兵變○按鄭曉名臣記嘉靖十四年遼東軍亂逐都御史呂經乃召永總兵遼東識大錄亦載逐呂經事經字道夫陝西寧州人

所拔卒校後多至大帥○按永所拔諸人其起列校至方鎮者爲蕭陞劉淵祝雄見名臣記

梁震傳擢延綏副總兵○按鄭曉所撰傳云震在邊專



練家丁劫敵營得馬盡與諸出塞者以故人皆趨利效死敵益畏

大同亂兵連殺巡撫張文錦總兵官李瑾○按是時被害者巡撫張文錦總兵李瑾外尚有參將賈鑑見鄭曉所撰傳

王效傳吉囊十萬騎復窺花馬池○按明實錄鎮遠關之戰在嘉靖十一年冬其戰花馬池則在十二年春傳類敘於十一年之後省文也

周尙文傳激尙文立功奮擊之黑水苑殺其子號小十王者獲首功百三十餘○按識大錄嘉靖庚子沙城之捷賜蟒衣玉帶辛丑召入提督團營

後寇復大舉犯鵠鴿谷

谷改峪

○按外國傳及方輿紀要

作鵠鴿峪

叛人充灼召小王子寇邊尙文偵得其使者○按明實錄充灼爲代簡王桂之後先以奉國將軍坐罪奪俸乃與應州人羅廷璽等畫策勾小王子入塞攻取雁門平陽遣人陰持火箭焚大同草場五六所而令通蒙古語者衛奉闌出塞爲尙文邏卒所獲傳所云偵得其使者蓋指此

馬芳傳未幾辛愛把都兒大入○按明實錄嘉靖三十八年二月把都兒侵灤河大掠遵化遷安薊州玉田駐內地五日京師大震御史王漸方輅交章劾王忬

逮下獄詔忬以下亦獲罪貶官芳之貶蓋在是時

元年閱視侍郎吳百朋發芳行賄事

元年改萬厯初

○按俺答

就撫在隆慶五年芳之被劾在萬厯初吳百朋傳稱萬厯初奉命閱視宣大山西可證此作元年紀敘未明

何卿傳四川白草番爲亂○按白草番之亂在嘉靖二十五年三月明年四月討平之松潘威茂閒俱得安卿以是進署都督同知

沈希儀傳嗣世職爲奉議衛指揮使○按唐順之所撰碑希儀正德三年襲指揮使年十八掌衛印八年勦木頭十二年征永安十四年征府江十五年征古田

所至常先大軍首登奪隘爲多

柳人祀之山雲祠○按希儀在柳慶先後十三年所勦  
阜嶺懷縛三層爲峽火黃馬輦七山雲應諸谿山峒  
凡五十餘所獲覃韋鄧雷諸大姓凡數十人首積至  
五千餘級散家財爲賞得狼兵死力至輒成功柳人  
比於山都督雲焉詳見唐順之所撰碑

石邦憲傳嘉靖七年嗣世職爲指揮使○按張鼎文所  
撰墓志邦憲其先山東壽光人洪武四年歸附由遼  
東衛百戶世襲都指揮僉事邦憲於嘉靖初嗣職

明年卒官○按邦憲隆慶戊辰卒於銅仁官舍卒之日  
呼二子命以俸米餉軍士端坐而瞑士民爲捐資立

明史紀事本末  
三十一  
祠見獻徵錄

列傳第一百

俞大猷傳嗣世職百戶○按獻徵錄大猷始祖敏從明太祖征伐有功授百戶大猷以支曾孫嗣職

生禽子儀弟子流

至

事平○按趙恆志所撰行狀當大

猷出廉時廉守餞大猷舉酒曰如將軍策可幾時班師大猷曰吾行四十日當會已與言符

乃從經大破賊於王江涇功爲趙文華胡宗憲所攘○按嘉靖三十五年五月張經敗倭於王江涇時趙文華與巡按御史胡宗憲相比趣經進兵經以狼兵初集永順保靖兵未至欲待其至而後戰文華等劾經

養寇失機疏方上而兵至經遂大破倭於王江涇爲  
軍興戰功第一文華等冒其功明帝以前疏逮經下  
獄冬十月殺之見今獻備遺

與戚繼光復興化城其破海倭○按是時倭旣犯淮揚  
吳越皆不利遂巢閩中破城十餘殺官吏軍民不可  
勝紀時大猷爲總兵戚繼光爲副擊破之閩患少熄  
見明實錄

大猷尋擢福建總兵官

至

四十二年十月徙鎮南贛

四

二年四字移尋擢福建總  
兵官之下十月改是冬

○按戚繼光傳與大猷破

倭在四十二年四月蓋至十月而大猷移鎮南贛傳

以四十二年屬之移鎮紀敘未明

其用兵先計後戰不貪近功○按趙恆志所撰行狀言  
大猷入蒲時駐兵平海興泉二郡供給不至海運亦  
絕大猷令毀屋爲營采麥而食衆心乃定所著書有  
正氣堂集及劍經射法戰車續武經總要百餘卷  
俞大猷附傳宗憲敗○按胡宗憲以黨附嚴嵩爲給事  
陸鳳儀所劾奪職閒住後又於羅龍文家得其與嚴  
世蕃手書逮下獄瘐死見明實錄

戚繼光傳父景通○按識大錄劉瑾有逆謀知景通豪  
傑遺之席帽景通佯應之繼乃爲黃冠遁去

倭大掠桃渚圻頭○按圻頭倭起繼光率精銳一千五  
百人計二旬有九日九接戰斬首一千獲兵仗三千

七百有奇時號戚家新兵所至破竹詳見識大錄

當是時俺答已通貢○按俺答通貢在隆慶五年見明實錄

繼光亦遂卒○按繼光有妻無子性悍諸姬得子養之外舍然繼光嘗出鎮擊賊賊乘虛來襲妻部勒登陴城竟得完見識大錄

劉顯傳生而膂力絕倫○按識大錄顯身不滿七尺不胄不介著一白布單衣如小丈夫及遇敵提刀騰躡超踊見刀不見身軍中稱神人

顯測賊將遁追擊至安東○按黃姬水淮上戰功序顯選人持火器焚賊船又援桴誓衆執一幟以號於衆



有能殺賊樹功者立幟下得三百人爲後勁又命甲  
四十人巡守六十人分伏又命三巨艦燔賊賊大潰  
李錫附傳以潯梧左參將從俞大猷討平韋銀豹○按  
韋銀豹廣西臨桂府古田縣獐也獐種甚繁曰韋曰  
閉曰白後皆併於韋景泰間韋朝威據古田屢撫輒  
叛至銀豹與其伯朝猛攻陷洛容還據古田分其地  
詳見朱國禎記

列傳第一百一

徐階傳嘉靖二年進士第三人○按階初舉應天鄉試  
學士董玘異其文及謁內閣輔臣楊廷和語其寮謂  
名位不在我輩下見識大錄

帝用張孚敬議欲去孔子王號○按階充經筵預修明會典又預修祀儀時方更定禮制故有絀孔子王號之議

復請先裕王後景王○按是時當繼莊敬太子而立者爲裕王是卽穆宗而景王與同齒其母妃盧氏方幸中外未測意旨階故特請之詳識大錄

階力主發兵○按是時倭事起撫按告急職方郎不肯發兵旣以羸卒三千往階上疏力爭議最剴切兵部乃發精兵六千

嵩請還大內○按大內卽南城離宮明英宗爲太上皇時所居故帝不憚詳嚴嵩傳

明史紀事本末 卷六  
階乃令御史鄒應龍劾之○按嚴嵩傳嵩置酒要階使家人羅拜舉觴曰此曹惟公乳哺之未幾嘉靖入方士藍道行言有意去嵩御史鄒應龍避雨內侍家知其意乃抗疏劾嵩此云階令應龍劾之與嵩傳互異帝手書問階疾○按識大錄階體小疾上親爲調藥至方士熊顯等進長生藥階獨力言不可餌上亦信之階風御史請復故額○按姦臣傳兩淮餘鹽歲課六十萬兩鄢懋卿增至一百萬後徐爌極言其害乃復舊額階所風卽徐爌也

而給事中張齊者以私怨劾階○按階與中使李芳忤稱疾不出而張齊者因污階姦利六事階再疏力辭

得許見識大錄

高拱傳拜太常卿掌國子監祭酒事○按獻徵錄時秦雷鳴先爲學士僅遷南國子監祭酒而高拱獨以太常卿兼國子祭酒尋拜禮部侍郎又轉吏部皆嵩階以拱在王邸相與推轂之故

帝召拱以大學士兼掌吏部事○按郭正域所撰墓志拱還內閣兼吏部慨然自任晨理閣事午視部事時謂門無片楮

拱爲首輔居正肩隨之○按獻徵錄是時內閣惟拱與張居正拱等請益輔臣乃起吏部尙書楊博禮部尙書高儀然不肯還博吏部而使長兵部儀以原官領

詹事府而已

保訴於太后謂拱擅權不可容○按獻徵錄馮保言於后拱欺太子欲迎立周王而已得國公爵又多市金於近侍言之

張居正傳曰討求國家典故○按王世貞所撰傳嘉靖丁未戊申閒諸進士多談詩古文爲西京開元之學居正獨務實用傳云討求國家典故當指此

兼東閣大學士○按居正拜大學士時年僅四十三見列卿表又按獻徵錄居正初在閣上疏言六事一簡議論二振紀綱三重詔令四核名實五固邦本六飭武備

加太傅

太改少

○按宰輔表居正是時晉少傅至神宗四

年始加太傅

居正與保密處分後事引保爲內助而拱欲去保○按是時都給事中宋之韓出拱門具疏欲劾居正居正知之盛氣言於拱拱亟止之見獻徵錄

及吏部侍郎張四維入○按張四維字子維山西蒲州人向爲拱所器重由學士超至吏部侍郎

居正所過守臣率長跪撫按大吏越界迎送身爲前驅○按王世貞所撰傳居正所坐步輿前重軒後寢室旁翼兩廡廡各立一童子左右侍揮筆炷香凡用卒三十二昇之

居正自奪情後益偏恣其所黜陟多由愛憎○按時有吳仕期者寧國人與沈懋學善常欲走京師上書規居正又吳中輕薄子僞爲海瑞論劾居正罪惡疏亦傳至寧國梓之

列傳第一百二

楊博傳博爲築金塔白城七堡○按白城本名白城子金塔本名金塔寺皆在肅州衛東北合永寧永安永清永定鹽池五堡而七見方輿紀要

仇鸞鎮甘肅總督曾銑劾之○按徐階所撰碑稱博與曾銑論仇鸞時銑方議逐套寇修三受降城並河爲塞鸞議其生事卒殺銑鸞亦數毀博互詳曾銑傳

隆慶改元請遵遺詔錄建言諸臣死者皆贈卹○按是時又追敘平宸濠功復新建伯王守仁爵見獻徵錄楊博附傳子俊民○按博有五子俊民其長子也次俊士三俊彥四俊卿五俊臣見識大錄

劉體乾傳體乾言太倉銀所存三百七十萬耳至帝不聽○按先是御史詹仰庇諫市珠寶不報已而仰庇巡視十庫疏請嚴核內官監出納歲數內官激帝怒杖百斤爲民後給事中陳吾德李已復上疏帝震怒復杖已百斤吾德爲民時體乾亦以力爭忤上意見明實錄

又條上防守四事○按體乾所陳防守四事大旨謂廣



明史紀事本末 卷九  
儲積清屯田申飭戎政見明實錄

王廷傳齊恨遂撫康疏語復論階○按張齊長安人齊之攻階及階去皆隆慶二年七月事見明實錄

葛守禮傳補禮部○按于慎行所撰碑云時當事知其才將改銓曹力辭乃改禮部後由儀制司郎中外擢靳學顏傳遂謝病歸卒○按學顏於隆慶五年六月卒賜祭一壇給半葬見明實錄

### 列傳第一百三

王治傳刑部侍郎詹翰

翰改

○按獻徵錄及江西通志

題名錄並作詹瀚此作翰誤

歐陽一敬傳言廣西總兵當用都督不當用勳臣因劾

恭順侯吳繼爵罷之以俞大猷代

改言兩廣宜設二總兵不當用勳臣

因罷恭順侯吳繼爵以劉顯俞大猷分代

○按兩廣總兵官明初但設一

人以勳臣鎮守吳繼爵之先如平江伯陳圭陳王謨父子皆是也時用一敬之議兩廣各置大帥罷勳臣以俞大猷鎮廣西劉顯鎮廣東兩廣設二帥自二人始繼爵亦非專任廣西也詳明實錄及俞大猷等傳南京振武營兵由此罷○按振武營設於嘉靖二十四年多無賴驕縱營毆死督儲侍郎黃懋故一敬疏及之見兵志

周弘祖傳已請汰內府監局錦衣衛光祿寺文思院冗員○按文思院設在南京工部下祇有大使一官職

明倫彙編 家範典 卷一百一十五  
官志所載已於嘉靖三十七年裁大使時尙有未盡去者故復疏及之

大和則權取香錢

大改太

○按太和山一名武當卽所以

祀真武者也萬厯中嘗遣中官呂詳等權取香錢此作大和誤

詹仰庇傳饒伸以科場事劾大學士王錫爵○按萬厯十六年王錫爵子衡舉鄉試第一主事饒伸上疏論劾并及考官黃洪憲伸坐除名見宰輔編年錄傳所云科場事蓋指此

賂問禮傳問禮獨言齊賊可疑○按張齊嘗賞軍宣大納鹽商楊四和金爲言恤邊商革餘鹽數事後事漸

洩求階子璠居間璠謝卻之時齊康爲高拱劾階齊  
遂撫康疏論階都御史王廷因發其事見王廷傳

鄭履漳傳拔用陸樹聲石星之流嘉納殷士儋翁大立  
諸疏○按是時樹聲方引疾家居星以二年廷杖除  
名士儋以是年三月疏請布德緩刑納諫節用飭內  
外臣講求民瘼大立方督河道亦以是年七月陳五  
患十二圖故履漳並及之見明實錄

陳吾德傳御史又劾其莅饒時違制講學○按萬厯七  
年詔毀天下書院故以講學爲違制見明實錄

陳吾德附傳慈慶宮後延燒連房

慶改寧

○按五行志萬

厯元年十一月己亥慈寧宮後舍火卽前傳中言慈

寧宮後室災吾德所力爭者此作慈慶誤

贊

世宗之季

世宗改嘉靖

言愈多而國是愈益淆亂也

至當於是觀之

改言愈多而國是愈

淆也隆慶時王治以下諸人皆能以言事表著若詹仰庇李已之弗克自保晚節其亦持祿固位之念有以致哉○按明季言路得失汪文輝所陳四弊亦未能該而原贊特引之且王治以下諸人之直言與詹仰庇李已之晚節不終皆未之及

列傳第一百四

陸樹聲傳張居正當國以得樹聲爲重○按是時修世宗穆宗實錄以樹聲爲副總裁官見張居正文集

陳時政十事語多切中○按十事爲勤學修身政令士  
風邦本財用宗藩邊防漕河郊廟其中最切時弊者  
則云用內侍以給埽除而倒持旁落之漸不可不防  
優外戚以示眷異而非分無厭之求不可不節見樹  
聲文集

田一儁附傳通政張紹先寢不上○按通政以壽民疏  
詞危切借字數溢額沮勿封進壽民復括兩疏之綱  
領上之疏入留中不報見黃宗羲南雷文稿與此微  
異

黃鳳翔傳時方較刻十三經注疏

較改校

○按漢書藝文

志校字並從木旁明末以避熹宗諱始改用車旁此

明倫彙編  
事考典  
三  
尙沿其誤

頃陛下去貞觀政要進講禮經甚善○按罷講貞觀政要乃萬厯十六年二月事以唐宗有慚德魏徵虧大節也見郭子章文集

余繼登傳充正史副總裁○按大學士陳于陞以二十二年請修本朝正史于陞卒而廢余繼登時以少詹充副總裁見明實錄

西寧鐘自鳴

西寧改古浪

○按五行志二十六年五月庚寅

古浪城樓大鐘自鳴者三古浪不屬西寧衛

馮琦傳又如仇世亨奏徐鼎掘墳一事○按興國州奸人漆有光許居民徐鼎等掘唐相李林甫妻楊氏墓

得黃金巨萬騰驤衛百戶仇世亨奏之帝命括進內庫見宦官傳徐鼎宦官傳作徐鼎

琦乃復極陳其弊○按琦酌定約禁條款十五一明經術二正文體三重行檢四重後場五慎提學六嚴歲考七限入學之數八禁冒籍九核祠祀鄉賢名宦十擇典試主司十一申程式前旨十二嚴參閱十三杜關節十四禁匿名帖十五禁刻書並見琦文集

自琦曾祖裕以下累世皆進士○按裕舉正德戊辰進士惟重嘉靖戊戌進士子履隆慶戊辰進士並見公鼎所撰行狀

王圖傳四十五年京察當事者多賓尹紹徽黨○按四



十五年京察時方從哲獨相吏部尙書鄭繼之主察徐紹吉韓浚佐之正人降黜甚多見明史紀事本末翁正春傳在宗藩要例已定之後○按宗藩要例定於萬厯七年見諸王表

進士鄒之麟分校鄉試○按之麟以三十八年進士觀政部中未授職入闈時主考官爲郭湄朱廷禧見題名錄及東林列傳

劉應秋傳有撰憂危竝議者御史趙之翰以指大學士張位并及應秋○按之翰所奏以憂危竝議爲吏科給事戴士衡僞造大學士張位主之預謀者禮部侍郎劉楚先都御史徐作祭酒劉應秋吏科給事楊廷

蘭禮部主事萬建崑也中旨罷楚先作降應秋謫廷  
蘭建崑爲典史而張位先以薦經略楊鎬失利罷去  
命值赦不宥見明實錄及明史紀事本末

唐文獻傳沈一貫以妖書事傾尙書郭正域

尙書改侍郎

○

按正域傳云馮琦卒後正域以右侍郎攝禮部尙書  
七卿表於琦卒下卽云李廷機以左侍郎攝部事不  
云正域則郭傳與表顯有舛漏卽使正域果嘗攝部  
究係侍郎且正域官止侍郎未厯尙書此直稱尙書  
誤

同年生給事中李沂劾張鯨被廷杖文獻掖之出資給  
其湯藥荊州推官華珏忤稅監逮下詔獄文獻力周

旋得無死沂改沂  
汪改鉅○按李沂嘉魚人華鉅丹徒人明  
史俱有傳此誤沂爲沂誤鉅爲汪鉅所忤稅監爲陳  
奉

唐文獻附傳所宗者周汝登○按汝登嵯人由進士歷  
官雲南參政學者稱海門先生見劉宗周戡山集

李騰芳傳騰芳爲書詣朝房投大學士王錫爵○按騰  
芳書謂古賢豪將與立權謀之事必度其身能作之  
身能收之則不難晦其迹於一時而終可皎然於天  
下昔鄴侯不欲以建寧爲元帥而詠摘瓜詩以衛廣  
平此經也非權也但與肅宗私議家事恐上皇不安  
而遲廣平爲太子別是一則然建寧之死胎此矣若

子房以強諫爲無益而招致四皓有似行權然未嘗請太子與趙王並封也且行權必大智人委曲宛轉或立語而移或默然而定若需之數年更以他手雖聖人不能保矣錫爵卽於翼日上疏自劾三誤見明史紀事本末

騰芳辭位熹宗不許

改騰芳上疏辭位不許

蔡毅中傳補長蘆鹽運判官屢遷國子祭酒○按毅中由鹽判三遷爲司業以左諭德纂修神宗實錄充經筵講官尋進祭酒見毅中本傳

廬居有紫芝白鳥千鴉集墓之異

鳥改鳥

羅喻義傳明年九月進講尙書

明改四

○按是時爲崇禎

四年九月喻義先以三年進左侍郎舊文蒙三年而來故云明年也傳於編修時刪去三年之文而但云明年按其文義似卽莊烈帝嗣位之明年敘事殊不明晰

顧錫疇傳楊嗣昌疏請撫流寇至與嗣昌大忤○按嗣昌傳帝御經筵畢嗣昌奏對有善戰服上刑語帝怫然詰之與此互異

會駙馬都尉王昺有罪錫疇擬輕典○按公主傳昺於萬厯閒因救御史劉光復觸帝怒削職泰昌時復官不載崇禎中得罪事

給事中章正震

震改宸

○按章正宸明史有傳此誤宸爲

震

贊

要其守正自立不激不爭淳靜敦雅承平士大夫之風

流概可想見矣

改明自嘉隆而後權臣奄豎相繼枋國然諸人皆能不激不隨守正自立

假令遭遇承平羽儀黼黻所表見豈僅此哉

明史攷證攬逸卷十九

明史攷證攢逸卷二十

長洲王頌蔚編集

列傳第一百五

王家屏傳評事維於仁進四箴

於改于下同

○按於仁本傳

及鄒元標等傳俱作于仁

帝不憚留中而於仁得善去○按神宗得于仁疏於十八年正旦召閣臣於毓德宮手于仁疏示之自辨甚悉閣臣爲委曲解慰乃令于仁引疾遂斥爲民見于仁本傳及郭子章文集

廷臣交章請冊立○按是年正旦神宗召見閣臣於毓德宮出長子見之閣臣卽以豫教請至夏四月南北



兩京九卿科道同辭疏請閣臣復合疏請以明春冊立神宗特命中書傳諭詞意甚厲因復請先出閣讀書再議冊立太子遂報可令內侍傳示閣臣候旨見申時行文集

詔馳傳歸○按二十二年王錫爵謝政命廷推閣臣吏部首列家屏帝以爭國本之嫌嚴旨責尙書陳有年見明實錄

閱八年儲位始定

八改九

○按家屏以二十年三月致仕

二十九年十二月始立太子此作八年誤

陳于陞傳預修世穆兩朝實錄○按世宗實錄隆慶中未及告成萬厯初張居正上纂修事宜疏責令原總

裁官吏部侍郎諸大綬禮部侍郎王希烈專修世宗實錄陳于陞則以纂修兼兩朝實錄者也見張太岳集

詔從之○按萬厯二十二年允于陞請詔工部葺史館禮部自尙書下同詹事春坊司經局翰林諸臣纂列條目自大紀外爲志類二十有二傳類二十有六而不及中官土司書未成而于陞卒遂廢見吳道南文集及靜志居詩話

以于陞及尙書沈一貫少詹事馮琦爲副總裁而閣臣總裁之○按二十二年禮部尙書爲羅萬化及范謙副總裁沈一貫則由南京禮部尙書受任見明實錄

及七卿表

斥兩都言官三十餘人○按是時降武選郎韓范給事  
吳文梓雜職鑄員外曾偉芳主事江中信程僖陳楚  
產給事劉仕瞻三秩調極邊又鑄御史區大倫俞价  
強思給事張同德三秩謫五城御史夏之臣朱鳳翔  
涂喬遷時偕行楊述中邊遠典史又謫郎中徐維濂  
於外其兩京科道掌印者盡鑄三秩因調給事耿隨  
龍鄒廷彥黎道昭孫羽侯黃運泰毛一公御史李宗  
延顧際明袁可立綦才吳禮嘉王有功李固本南給  
事伍文煥費必興盧大中御史柳佐聶應科李文熙  
十九人於外續又罷御史馮從吾薛繼茂王慎德姚

三讓四人見明實錄

以甘肅破賊功加太子少保乾清坤寧兩宮災

乾清坤寧改二

十四年

在直廬數太息視日影二十四年冬病卒

二十四年冬改而已十二

月

○按宰輔表于陞以二十三年加太子少保其甘

肅破賊功則爲青海部內侵參將達雲所敗者至兩宮災晉太子太保及于陞病卒皆在二十四年傳因事類敘於病卒上揭二十四年似兩宮災及其秋晉太子太保皆屬二十四年前事紀敘殊不明晰

沈鯉傳歸德人○按鯉以歸德衛籍第進士明初降歸德爲州至嘉靖二十四年復升歸德爲府而設商工

縣鯉應爲商正人以隸衛籍仍繫歸德見題名錄及  
地理志

進世廟諸妃葬金山者配食永陵○按穆宗生母杜皇  
后初葬金山隆慶初遷祔永陵世宗二十六嬪惟五  
妃葬嶼兒峪餘俱在金山見明典彙

鄭貴妃父承憲○按外戚傳作成憲

順義王妻三娘子請封○按順義王妻以十五年封忠  
順夫人見明實錄

歸德鯉邑名

改鯉歸  
德人意

○按歸德時已陞府不宜稱邑

敘皮林功○按皮林在湖廣貴州之交爲峒苗吳國佐  
所據二十八年平播州楊應龍之後卽移師平之見

陳璘傳

會孝陵明樓災○按本紀三十二年五月雷火焚長陵明樓五行志無三十二年事此作孝陵與紀互異

于慎行傳又言南昌壽春等十六王世次既遠

六改五○

按南昌爲太祖長兄壽春爲太祖之叔諸王傳目錄並作十五王其數祇得十五此誤五爲六

李廷機傳授編修○按廷機由編修擢洗馬時皇太子初出閣充侍班官又直講經筵見廷機家傳

特旨許之○按誼漣庶長子特旨許封郡王郡王例載諸王表今表內無誼漣庶長子名當是脫失

給事中曹于汴○按楊時喬傳作曾于汴于汴自有傳

此作曹是

數十人交章力攻○按時攻廷機者御史則楊師程彭  
端吾馬孟禎史記事湯北京房壯麗吳亮李光輝鄧  
漢張時弼左宗郢劉蔚給事中則胡應召彭惟成戴  
章甫張國儒劉文炳韓光祐張鳳彩翁憲祥杜士全  
李瑾周曰庠及刑部主事熊應都察院照磨郭良翰  
等見明實錄

吳道南傳偕禮部尙書劉楚先典會試

尙書改侍郎

○按萬

厯四十四年何宗彥以禮部侍郎署尙書事時尙書  
缺官劉楚先於二十六年以憂危竝議爲御史趙之  
翰所劾時已爲禮部右侍郎中旨遂罷其官未幾復

起至是由侍郎偕道南典試此誤作尙書據明寶錄改

同和竟日構一文下吏戍煙瘴鳴陽亦除名○按選舉志同和鳴陽二人並謫戍與此互異

列傳第一百六

申時行傳旣而李植江東之以大峪山壽宮事憾時行不勝貶去○按焦竑所撰神道碑云時行奉命往視大峪山植言大峪非吉壤時行與尙書徐學謨暱故贊其成憾尙書陳邦經異議故致其去時行一一疏辨

詔馳驛歸○按時行馳驛歸時並遣官護送仍加賜銀



鈔蟒衣絲緞寵其行詳焦竑所撰神道碑

詔書到門而卒○按焦竑所撰神道碑云時行卒特予

祭十四壇遣官敦葬事特進一品廕子尙寶丞

子用懋用嘉○按焦竑所撰神道碑云時行子三人兆  
虬用懋用嘉兆虬早卒

王錫爵傳郎官高桂饒伸論之○按錫爵行狀云高桂  
饒伸疏中式可疑者八人衡與焉錫爵因疏請覆試  
列傳第一百七

張四維傳言路復有劾四維者○按趙貞吉去位及殷  
士儋被劾俱詳二人本傳至言路劾四維考士儋傳  
云四維父擅鹽利爲御史郝永春所劾事已解他御

史復及之四維疑出土僭指益相構則此所云言路復劾四維者仍爲其父擅鹽利也

言路亦發舒詆居正時事○按言路亦發舒詆居正時事及後文張誠譜保李植發保姦狀保與篆省吾諸人皆逐史俱未詳何事考王錫爵所撰四維墓表蓋言諸人與張居正表裏構合諸姦狀也

馬自強傳禮官所掌宗藩事最多先後條例自相牴牾○按張四維所撰墓志云時禮部新題更定宗藩條例多自強所具稿也

許國傳充日講官○按王家屏所撰墓志云國爲講官時因事獻規曲盡忠款帝手書責難陳善四大字賜

焉

趙志皋傳志皋身在牀褥於罷礦建儲諸大政數力疾草疏爭○按志皋墓志云志皋臨歿猶草奏請冊立罷礦稅簡閣臣用言官四事

朱賡傳及卒○按鄒元標所撰行狀云賡卒於萬厯戊申十一月年七十有四上震悼賻卹備摯加祭四壇遣官護輓董葬事

列傳第一百八

王之誥傳杖言者闕下○按杖言者闕下蓋指吳中行趙用賢艾穆沈思孝等而言也事詳諸人本傳

吳百朋傳授永豐知孫○按百朋爲永豐令時以教化

爲先務束矢入片言折服有清水明鏡之謠事詳百  
朋墓志

劉應節傳濰人○按獻徵錄識大錄劉應節其先咸平  
人有名全者以判濰州因家焉遂爲濰州人

會順天巡撫耿隨卿坐殺平民充首功逮治改應節代  
之○按馮琦所撰墓志云應節巡撫順天時整飭邊  
備條上六事一曰益兵以資戰二曰用車以資守三  
曰樹木以資險四曰櫃水以資運五曰定兵食之遠  
圖六曰除邊防之宿蠹

進右都御史○按馮琦所撰墓志云應節進右都御史  
時沿邊諸郡邑橫罹剽掠莫敢誰何應節遣使諭以

恩威衆皆叩頭謝罪凡四千四百餘人一時解散因條上防禦事宜凡七曰選主將曰設副將曰議班軍曰清衛軍曰勾逃軍曰廣招募曰議行糧廷議皆是之

舒化傳南京科道論及化○按獻徵錄云時化名益高忌益衆或使人構飛語授南京新進橫詆化衆驚憤化曰安有大臣被口語自疏解爲平義有去而已遂上書乞歸較史爲詳但亦未載科道所論何事

李世達傳復劾罷御史韓介等數人○按獻徵錄及識大錄云劉瑜黃正色同被劾但亦未詳載數人之事

列傳第一百九

王廷瞻傳廷瞻常論拱○按高拱傳所載言路論拱之事甚詳言路當卽指廷瞻而言

郭應聘傳遷威遠兵備副使

遠改茂

○按威遠百官志及

獻徵錄識大錄並作威茂

從總督吳桂芳平李元璽

元璽改亞元

歸七月卒○按陳經邦所撰墓志應聘孳孳憂國將歸之日猶上安民四議以應明詔

耿定向傳定向疏鵬六罪○按定向疏吳鵬六事史未詳載下文董份私鵬子事亦第因疏六事而言考獻徵錄僅載鵬與嚴嵩濁亂銓政一事餘亦未及

郝杰傳蔚州人○按王家屏所撰神道碑其先山西交

城人

列傳第一百十

王崇古傳俺答疑把漢已死及聞言心動○按方逢時傳先敘鮑崇德說俺答心動後敘分道入犯與此互異

鄭洛傳棟又言火真亂首

火真改浩爾齊宰桑

○按史不見火真

之名此時首敗盟爲邊患者乃火落赤真相也疑明人不知繙譯撮二人名首一字合爲火真如稱史車之類若依火真譯作霍珍恐與事不合今譯改浩爾齊宰桑

列傳第一百十一

盛應期傳出轄濟寧諸牘○按應期轄諸牘時公私舟過悉束以法少宰吳寬赴召適封牘蓄水守牘旬日乃得過見袁表所撰傳

謫雲南驛丞○按應期謫雲南安寧驛丞見明實錄歷雲南僉事○按應期爲僉事時常奏請閉銀礦以絕禍源見識大錄

四遷至陝西右布政使○按應期官陝西時鎮守太監廖鑾貪漁公私爲應期所裁鑾怒思中傷之檄使督造絨罽費且鉅萬應期乃籍鑾前後所侵以數計示鑾欲奏之鑾惶恐謝事乃已見識大錄

應期至廣至復賚銀幣○按是時粵中劇賊李文積爲



亂應期發兵捕之生禽文積俘斬千五百餘人見識  
大錄

朱衡傳遷刑部主事○按吏部尙書汪鉉家於婺源衡  
爲令時屢因事抗抑鉉銜之甚會徵補臺諫鉉謂衡  
年少不中格罷而霍韜從中調護乃有主事之擢見  
獻徵錄

召爲工部左侍郎四十四年進南京刑部尙書○按衡  
擢工部侍郎後旋以四十一年改吏部閱三年乃進  
南京刑部尙書見識大錄

經理河道○按六年正月翁大立以誤漕削籍因復命  
衡經理遂罷泲河議專事徐邳築長隄自徐州至宿

遷三百七十里并繕豐沛大黃隄運道復通見明實錄

衡皆奏止之○按識大錄武清侯李偉新貴詔治第京師費以數萬衡援故事抑之上悟爲減其半

皇太后傳諭發帑金修涿州碧霞元君廟○按是時中官欲建橋涿州上以太后命諭工部衡奏此有司之職不足煩中使乃詔發慈寧湯沐金錢治之見獻徵錄

朱衡附傳至四年六月至次第告成○按四月九月河

決邳州自睢寧白浪淺至宿遷小河口淤百八十里漕道復阻大立言邇來河患不在豐沛而在徐邳因

請棄故道而就新衝開淤河以避洪水帝命大立躬  
自相度條水利害以聞見明實錄

潘季馴傳擢御史○按潘季馴爲御史時三殿災奉勅  
稽南都大木季馴請無毀民居覆內官監籍可得也  
果得萬木於荷花池中見識大錄

總理河道與朱衡共開新河○按季馴與衡開盛應期  
新河並濬留城舊河新河自南陽至留城一百四十  
餘里舊河自留城至境山五十里有奇八閱月而成  
見萬恭河決考

遂條上六事○按季馴所條六事曰塞決口以挽正河  
築隄防以杜潰決復牐壩以防外河創滾水壩以固

隄岸止濬海工程以省糜費寢開老河之議以仍利涉見明實錄

河深既淺

身深改

○按明實錄作河身

上疏請復故河○按季馴疏陳復故河五利一河從潘家口出小浮橋則新集迤東一帶俱爲平陸一河身深廣受水必多每歲可免泛溢一河從南行去會通河甚遠閘渠可以無虞一來流既深則徐州以下亦必因而深刷一小浮橋之來流既遠則秦溝可免復衝而茶城永無淤塞見明實錄

明年黃水暴漲

至

季馴復築塞之○按季馴常有北河

十議一守戴村壩一守坎河口一守馮何二壩一挑

濬汶河淤沙一巡守五湖隄岸一因時分合汶流一  
先期挑濬月河一築土壩以利接濟一疏濬泉源一  
疏衛濟運見陳仁錫北河紀

萬恭傳會河決邳州運道大阻○按邳州之決都御史  
翁大立復議開泇河以遠其勢潘季馴言其不便會  
季馴被劾歸乃詔萬恭與朱衡覆視遂罷開泇之議  
見北河紀

吳桂芳傳潮州舊倭屯據鄒塘○按是時潮州倭二萬  
與大盜吳平相犄角而峒賊藍松三溫七等與丹樓  
輩日掠惠潮閒見識大錄

而新倭寇福建者爲戚繼光所敗○按四十三年二月

倭餘黨糾新倭萬餘圍仙游三月繼光大破之復追擊之同安又追擊之漳浦見明實錄傳所謂爲繼光所敗者指此

脫者還海豐副總兵楊克寬禽斬殆盡○按是時倭還保海豐俞大猷圍之兩月賊食盡欲走克寬設伏邀之手斬其梟將三人參將王詔等繼至賊遂大潰乃移師潮州以次降丹樓及藍松三等遂使招降大盜吳平居之梅嶺事在四十三年而李亞元之就禽則在四十四年吳平旣叛旋剿之後見明實錄大猷傳所載亦同此以亞元之平并敘於進討吳平之先互異

平初據南澳

至

自陽江奔安南○按四十四年平奔後

大猷部將湯克寬李超攝賊後連戰不利平遂得奔  
安南巡撫御史交章論之大猷坐奪職會河源賊李  
亞元等猖獗桂芳抗疏留之大猷乃生禽亞元平之  
因還其職見明實錄

召爲南京兵部右侍郎○按桂芳在粵時如城揚州例  
營廣省外城南就遷去而流寇曾一本突犯省城固  
垂涎沿河積聚不意有重城也失計而遁卒就禽粵  
人爲祠祀之見識大錄

皆下所司議行

刪下所  
司三字

河決曹縣徐州桃源

改河決崔鎮及  
曹徐等八州縣

草灣之間

間改開

尋以高郵湖隄成贈太子少保○按三年八月高郵湖決清水潭口先是孝宗初漕臣白昂以運舟經甓社湖觸岸輒壞乃開複河於高郵隄以避其險名曰康濟至是湖水決桂芳改挑康濟越河修復老隄河成名曰弘濟遂爲永利見明實錄傳所謂隄成者指此王宗沐傳總督漕運○按宗沐督漕時疏請敕河臣增隄防以衛陵寢見明實錄

故登舟有海市

舟改州

王宗沐附傳徵授禮科給事中○按土性爲禮科時有請復黃河故道一疏見明史紀事本末



劉東星傳累遷湖廣左布政使○按萬厯改元召東星爲刑部主事轉戶部員外郎出爲河南僉事累遷至布政使見識大錄

東星力任其役○按東星治河每檄郡邑諸城旦徒惟盜竊不免其他皆令濬河得以輕重相準弛其罪以省召募見獻徵錄

後李化龍循其遺迹與李三才共成之漕永便焉○按東星濬泃河時初開良城侯莊以試行運至化龍等修其舊跡由直河入泃口抵夏鎮凡二百六十里避黃河呂梁之險會化龍憂去侍郎曹時聘終其事見明實錄

徐貞明傳莫如蘆溝滹沱二河蘆改盧

滹沱發源於太戲太改泰

明史攷證擴逸卷二十

明史攷證擴逸卷二十一

長洲王頌蔚編集

列傳第一百十二

嚴清傳巡按御史王廷瞻劾清縱寇○按明實錄隆慶三年十二月陝西賊起次年四月由陝寇川清之被劾當在是時傳類敘於隆慶二年之下省文也

宋纁傳靜樂民李良雨化爲女○按靜樂縣男子化婦人乃隆慶二年事見明實錄及五行志

以紙贖爲糴本

改以贖鈔爲糴本

陸光祖傳除濬縣知縣○按光祖令濬縣時尚有平反富民盧枏獄一事見會同亭所撰傳

補祠祭主事○按光祖任祠祭時正伊王典楨罪發太醫院吏目何雲龍乾沒狀并革諸王襲封請婚諸濫費見明實錄

又就進大理卿半道丁父艱○按曾同亨所撰傳載光祖拜大理卿甫就道心動因暫歸時光祖父病已篤歸兩日而父卒人以爲孝誠所感此稱半道丁父艱與傳互異

乃由左侍郎出爲南京工部尙書○按是時光祖阻凍潞河因赴薊遼總督張佳允之約縱觀邊牆亦爲御史所劾見獻徵錄

陳有年傳歷考功文選○按陳有年官文選時海瑞爲

其所舉見獻徵錄

有年疏陳濟急六事○按有年所陳六事大旨謂糴糴之法當論緩急請就江西本省量爲貿遷而禁遏外販以平穀價明實錄未載原疏見孫鑛所撰行狀

孫丕揚傳落職候勘○按丕揚以大理寺丞候勘在隆慶五年見雷禮列卿表

已條上省刑省罰各三十二事○按丕揚所陳省刑罰各三十二事一律例原無如腦箍竹簽之類當省者四條二倫理當重明尊卑之等當省者四條三刑流防過當省者四條四情偏防過當省者四條五避天時當省者四條六體人情當省者四條七人可矜當

省者四條八人可疑當省者四條此省刑也一省罪  
內罰四條二省罪外罰四條三省錢糧罰四條四省  
里甲罰四條五省捐公費罰四條六省捐上司罰四  
條七省扣剋罰四條八省紙穀罰四條此省罰也見  
經世文編

然銓政自是一大變矣

改而銓政自是無大弊矣

○按是時請謁公

行故丕揚以掣籤法杜其弊傳云銓政自是一大變  
蓋猶沿明季不足丕揚之詞而不知有不得不變之  
勢於定論尙爲未合

御史徐兆魁喬應甲劉國縉鄭繼芳劉光復房壯麗給  
事中王紹徽朱一桂姚宗文徐紹吉周永春輩則力

排東林○按徐兆魁疏劾東林在萬厯三十九年見  
明實錄

蔡國珍傳明年正月

正改三

○按明實錄羣臣詣東華門

請舉皇長子冠婚乃萬厯二十六年三月事

楊時喬傳夢皋亦假楚王事再攻郭正域○按明實錄  
萬厯三十二年武昌宗人蘊鈐等作亂殺巡撫趙可  
懷傳所云楚王事當指此

永年伯王棟卒○按棟乃王偉子明神宗母家也以萬  
厯五年封見外戚傳

贊

雖不能辨材任官要之無任心營私之弊苟非其人毋



寧任法之爲愈乎

改當時或以爲紛更而一除任心營私之弊行之可久謂非任法之

善○按辨材任官等語亦沿明季迂儒慕古虛文於

當日時務殊未切

### 列傳第一百十三

張瀚傳俺答圍京師○按俺答圍京師在嘉靖二十九年見明實錄

入爲大理卿○按瀚由右副都御史改大理卿在嘉靖四十四年見列卿表

梁夢龍傳朝議通海運以屬夢龍○按夢龍議行海運在隆慶五年發其端者爲給事中宋良佐見明實錄及河渠志

前後奏永莫堡丁字泊馬蘭峪養善木紅土城寬奠廣

寧右屯錦義大寧堡諸捷

永莫改永甸寬奠改寬甸

○按方輿紀

要永奠堡在寬奠東北五十里無所謂永莫堡也寬奠大清一統志作寬甸

楊巍傳分守宣府寇入犯偕副將馬芳擊斬其部長○按明實錄嘉靖三十四年九月俺答攻大同宣府又攻懷來爲馬芳所敗

帝以張鯨不用故託疾○按宦官傳萬厯十六年御史何出光劾東廠太監張鯨及其黨邢尙智劉守有專擅威福八罪嗣法司覆奏鯨等贓罪御史方萬策等又相繼論列給事李沂至謂神宗納鯨金寶故寬其

罪神宗爲之震怒傳所云以張鯨不用故當指此  
李戴傳廣東以軍興故增民間稅至萬厯初亂定○按  
明實錄廣東賊曾一本自嘉靖末寇擾南韶餘黨流  
毒潮惠歷隆慶至萬厯十餘年始定傳云軍興當指  
此

趙煥傳尋召爲刑部尙書議日本貢事○按日本通貢  
始自沈維敬係萬厯二十年事明年李如松敗績於  
碧蹄館貢議遂寢至二十四年始成詳見明實錄

他日薊門蹂躪敵人叩閭

改他日薊門摧  
敗敵兵臨城

鄭繼之傳知縣趙運昌張廷拱曠鳴鸞濮中玉當預而  
持議頗右于玉立李三才遂見抑○按李三才與顧

憲成等深相結是時方以戶部尙書落職閑住御史  
劉光復猶劾其與于玉立遙執朝權故趙運昌等皆  
以二人黨不得預考選

列傳第一百十四

海瑞傳坐謫興國州判官○按瑞謫興國時民苦浮糧  
瑞爲七事上之御史臺躬自清丈以均其賦見王弘  
誨所撰傳

遂逮瑞下詔獄○按瑞下詔獄時穆宗在藩邸私命錦  
衣毋死之以是得免見識大錄

請濬吳淞白茆通流入海○按隆慶四年瑞遣松江同  
知黃成樂上海令張嶺開浚王渡至朱家港其長一

萬餘丈是歲大飢畚鍤雲集不兩月而告成見明史  
紀事本末

提學御史房寰恐見糾擿欲先發○按是時進士顧允  
成諸壽賢劾房寰納賄狼籍乃敢強面唾瑞寰遂坐  
黜見識大錄

邱樞傳三十四年七月倭六七十人失道流劫○按是  
時倭自杭突至徽寧諸縣流劫至蕪湖太平逼南京  
城下以倭破杭州逮巡撫都御史李天寵與張經湯  
克寬皆論死繫獄見明實錄

是年嵩敗

是年改  
未幾

○按嵩敗於四十一年此突稱是年

未協

帝優詔報之○按是時帝並削篆籍爲民見明實錄

呂坤傳有妄人爲閨範圖說跋名曰憂危竝議○按憂危竝議引歷代嫡庶廢立之事內刺坤與張養蒙劉道亨魏允貞鄭承恩鄧光祚洪其道程紹白所知薛亨等見明史紀事本末

帝歸罪於士衡等○按是時士衡與全椒知縣樊玉衡並削籍謫戍以玉衡前請冊立疏中有指斥狂誕語也見明實錄

贈刑部尙書○按贈坤官時并廕一子入監見明實錄郭正域傳出爲南京祭酒○按正域爲祭酒時條上監規七事請倣司馬光十科胡瑗二齋以羅眞才見明

實錄

而王氏持之堅

氏改妃

當是時正域右宗人至遂希一貫指論正域○按是時給事中姚文蔚疏訐正域故王護衛中人修怨陷王都御史溫純因奏劾文蔚并刺及一貫見明實錄

正域疏辨留中不報○按正域疏言恭王卒於隆慶時臣父方以舉人任知州何由被笞見明實錄

俄而妖書事起○按三十一年十一月有蜚語曰續憂危竝議凡三百餘言爲東宮作危語而波及一貫遂大開告密鯉語人曰此事何必張皇也一貫大不懌鯉又嘗供天啟聖聰牌於閣人則禮之因有訐爲詛

咒者上意幾爲動而一貫益思陷之矣見明史紀事本末

巡城御史康丕揚至及其兄國子監丞正位○按丕揚時將外轉中官賈忠貞教之乘妖書可免丕揚遂與錢夢皋直攻正域見明史紀事本末

嘉慶旋以治無驗令革任回籍○按嘉慶赴鞫時闔門被掠吏部尙書李戴爲嘉慶外父拷訊時不忍視起入中堂上惡之罷歸見明史紀事本末

而沈令譽者正域食客○按是時於令譽處得刑部主事于玉立所致吏部郎中王士騏書丕揚以玉立起官士騏與正域嘗左右之遂削玉立士騏籍見明史



紀事本末

詹事唐文獻偕其僚楊道賓等詣一貫爭之○按是時與文獻道賓同爭於一貫第者爲陶望齡周應賓見明史紀事本末

列傳第一百十五

龐尙鵬傳民苦徭役爲舉行一條鞭法○按是時行甲首錢均徭二法吏胥因緣加派貧富皆不聊生尙鵬乃會計一邑需費及諸顧役若干核民間丁土若干刻單人給一帖使民知歲輸一有定額吏遂不能爲姦後海瑞推廣之通行於江南名一條鞭法見張元汴所撰祠碑

疏列鹽政二十事○按尙鵬所陳鹽政二十事其在兩  
淮者一設法銷引一稽查實政一議減開中一先期  
給引一收買餘鹽一禁止私煎一酌處引價一拆鹽  
鋪戶一報申糧草一禁止截賣一定淮廣行鹽之地  
一定折色本色之宜凡十二條其在山東長蘆者疏  
通阻滯三條禁抑私販一條調停偏累二條定折納  
二條凡八條見經世文編

宋儀望傳巡鹽河東○按儀望巡鹽時又創立河東書  
院諸生多興起者見獻徵錄

及受命督三殿門工○按三殿工始於嘉靖三十六年  
成於四十一年維時工部尙書爲歐陽必進見明實

錄

擢霸州兵備僉事○按是時有西寧侯過霸州爲盜所迫溺死儀望甫抵任卽禽其巨魁見識大錄

被劾罷歸○按是時儀望以與御史論鹽盜事不合乃爲其所劾見獻徵錄

陸樹德傳除嚴州推官○按樹德任嚴州推官時以廉幹爲龐尙鵬所許又太守嘗忌其材及太守入覲有許其私者樹德獨力表其誣皆見王世貞集

屢遷都給事中○按樹德歷任兵戶禮三科給事中又有冊封周趙二王力卻饋遺事

李頤傳忤張居正○按頤以清軍湖廣過江陵與居正

父抗故居正街之見獻徵錄

頤在鎮十年威望大著○按頤在鎮時尙有禱雨振饑捐貲置學田諸事見劉應麒所撰行狀

孫維城傳維城疏言狀○按是時維城又疏薦趙志皋等見獻徵錄

忤座主大學士許國○按維城之忤國蓋因萬厯十五年京察國有所請託而維城抗之也見于慎行所撰墓志

改廣東左布政使○按維城以遷官過里有故人坐逋租繫官求爲之解維城解所服銀帶代之輸官而終不爲言見獻徵錄

維城又條善後六事○按維城所條善後六事一曰預運發二曰專責成三曰酌馬數四曰嚴賞規五曰重命地六曰改市期見明實錄

萬象春傳奏上便宜十五事○按象春所上便宜十五事大旨有限封開業弛禁加刑數端又申明定祿制正賦額諸便見經世文編

### 列傳第一百十六

魏學會傳除戶部主事遷郎中○按學會官戶部時嚴嵩方掌吏部欲招之爲郎須一見學會不肯往遂不果改見郭正域所撰墓志

巡撫遼東○按學會撫遼時有叛卒黃勇句敵爲患學

曾計禽之患遂息見獻徵錄

魏學會附傳切盡台吉之比吉

之改妻

○按比吉卽台吉

之妻明封忠義夫人者也詳見外國傳此云切盡台吉之比吉是不知比吉爲其名誤作哈敦解也

卜失兔遂率諸部大入定邊

未幾切盡台吉從子青把都兒犯甘肅○按卜失兔攻延綏在萬厯二十二年七月青把都兒甘肅之戰在二十四年五月俱見明實錄

而以都御史李汶代

汶改

○按外國傳作李旼明實錄

同此作汶誤

李化龍傳疆臣斬賊使二氏交遂絕○按是時沙溪頭

目尙義黃繼枝爲楊應龍通安氏至是疆臣因化龍  
檄斬二人交遂絕傳所云賊使蓋指此見化龍所著  
平播新書

以其地置遵義平越二府○按是時化龍又有善後事  
宜疏一曰復郡縣二曰設屯衛三曰設兵備四曰設  
將領五曰急選調六曰丈田糧七曰限田制八曰設  
學校九曰復驛站十曰建城垣十一曰順苗情十二  
曰正疆域見明實錄

列傳第一百十七

劉臺傳御史江東之訟臺冤○按是時王宗載方掌臺  
事東之以副封進王笑曰柱史何言東之曰爲死御

史鳴冤王曰爲誰對曰卽乃公王踉蹌歸邸見獻徵錄

吳中行傳御史曾士楚吏科都給事中陳三謨倡疏奏留○按是時倡留居正議者尙有左都御史陳瓚見識大錄

明日進士鄒元標疏爭亦廷杖

明日改未幾

○按中行等四

人被杖在萬厯五年十月乙巳鄒元標被杖在是月丁未見明實錄以干支計之相去凡三日

大學士許國攻李植江東之○按李植發黑谷關掩敗報功事命江東之據實按治盡坐邊帥罪故許國惡之其攻二人蓋以此見獻徵錄



趙用賢傳改南京祭酒○按用賢官祭酒時尙有立六館課條及新廟宇諸事見識大錄

以爭三王並封語侵錫爵○按明實錄王錫爵以是年正月辛未還朝至辛巳而並封三皇子爲王之命下故其語侵錫爵

艾穆附傳上書陳時政○按葉春及所陳時政曰重師儒敦行實決資格審舉劾擇將帥較賦稅修軍政去盜賊省費冗闢土田理屯鹽凡十一條見經世文編沈思孝傳陝西織羊絨爲民患以思孝奏減十之四○按思孝在陝西時尙有止盔甲之請及裁府第侵冒等事見識大錄

明史攷證擴逸卷二十一

田

五

三

一

一

一

一

一

一

一

一

一

一

一

明史攷證攬逸卷二十二

長洲王頌蔚編集

列傳第一百十八

蔡時鼎傳御史丁此呂至時鼎論救○按此呂言啟愚以試題勸進居正帝手疏示時行時行謂此呂以曖昧陷人大辟漸不可長巍因請出此呂於外帝從巍言時鼎因疏救之見明實錄

語侵楊巍申時行○按是時給事御史王士性李植等亦交章劾巍阿時行意蔽言路見明史紀事本末

萬國欽傳疏斥政府私人○按南星所疏斥者如都御史吳時來副都御史詹仰庇少詹事黃洪憲給事唐

堯欽御史蔡系周孫愈賢等見陳鼎東林列傳

七月帝召見時行等於皇極門

至

時行以款貢足恃爲

言○按召見時行時閣臣許國言寇欲無厭宜一大創之不可復羈縻帝心然國言而時行爲政不能奪見明史紀事本末

初國欽疏上座主許國責之曰○按國欽劾時行後給事中伍讓論國庸鄙國疏辨帝奪讓俸讓時行門生也蓋爲其師報復云見東林列傳

饒伸傳伸既斥

至

屢請敘用○按是時御史喬璧星疏

請帝戒諭錫爵務擴休休之量見明實錄

湯顯祖傳誠諭輔臣省愆悔過○按是時與顯祖相繼

攻時行者爲南御史李用中見焦竑所撰時行神道碑

遂中立傳文選郎顧憲成等以會推閣臣事被斥○按閣臣王家屏初以諫冊儲罷歸至二十二年五月上諭有不拘資品會推之語吏部遂以家屏及沈鯉陳有年沈一貫孫丕揚鄧以讚馮琦等名上上不懌詰責之憲成遂被斥見明實錄

楊恂傳王錫爵謝政至御史柳佐章守誠劾之○按是時佐與守誠言吏部郎顧憲成等空司而逐志皋實激帝怒見明實錄

恂復論志皋並及張位○按是時與恂先後劾志皋者

爲給事中張濤御史況上進南評事龍起雷而巡按  
吳崇禮則劾志皋子兩淮運副鳳威鳳威坐停俸見  
明史紀事本末

楊恂附傳由荏平知縣

荏改荏

○按荏前漢書從在後漢

書及水經注皆從仕明一統志亦從仕

姜士昌傳明年禮部主事鄭振先

至

調邊方用○按振

先疏指一貫廢廷機爲過去見在未來三身上斥其  
誣詆謫普安州判見明史紀事本末

馬孟禎傳王錫爵辭召密疏痛詆言者○按錫爵疏言  
上於章奏一概留中特鄙夷之如禽鳥之音等語其  
疏甚祕都御史李三才鉤得之泄於衆諸言官大憤

謂錫爵以臺省爲禽獸見明史紀事本末傳所謂痛  
詆言者指此

孟禎及南京給事中段然並上疏極論○按是時與孟  
禎同論錫爵者爲給事中胡嘉棟宋一韓御史梁州  
彥陳于廷等見明實錄

挺而走險

挺改  
鋌

是時三黨勢張至出爲廣東副使○按是時臺省有齊  
楚浙三方鼎峙之號齊爲元詩教韓浚周永春楚爲  
官應震吳亮嗣浙爲劉廷元姚宗文等皆攻擊東林  
者見明史紀事本末所謂三黨指此

列傳第一百十九



顧憲成傳都御史辛自修掌計事工部尙書何起鳴在拾遺中○按是時起鳴有疏訐自修見明實錄

二十一年京察○按二十一年三月給事中劉道隆論吏部員外郎虞漳熙兵部郎中楊于庭臺省交謫而吏部曲爲解僅議一職方主事袁黃非體上責吏部回奏孫鑰疏爭遂奪其俸并鐫南星三秩調外見明實錄

尋遷文選郎中○按是時鄒元標左遷南刑部求去上允之憲成力勸錫爵疏留錫爵勉從之見明史紀事本末

憲成舉故大學士王家屏○按是時與憲成同舉王家

屏者爲吏部主事章嘉禎謫羅定州州判見明史紀事本末

忤帝意削籍歸○按憲成削籍禮部郎中何喬遠抗疏救謫廣西布政司經歷見明實錄

旣而淮撫李三才被論憲成貽書葉向高孫丕揚爲延譽○按丕揚時爲吏部尙書先是二十三年丕揚掌外察黜督學馬猶龍及參政丁此呂侍郎沈思孝力爭不聽疏逮此呂論戍死以是并怒思孝至是廷臣力攻三才憲成爲移書向高及丕揚救之并言思孝猶龍之賢見明史紀事本末

兆魁騰疏攻憲成○按兆魁與給事中朱一桂疏攻憲

成事在三十九年五月見明實錄

顧憲成附傳屢遷南京刑部郎中○按東鳳由知縣稍遷南京刑部主事劾祭酒馮夢禎兩廣總督侍郎陳大科不檢兩人遂罷去見明實錄

憲成輩講學爲建東林書院○按東林書院記東鳳所撰也後魏忠賢毀書院見其碑遂被削奪崇禎初乃復見明史紀事本末

顧允成傳寔復詆瑞及思孝其言絕狂誕○按寔疏言臣爲善二十年曲謹木疆無不如瑞獨崇詭飾虛則不屑爲見明實錄傳所謂其言絕狂誕者指此

卽戒之弗言

弗改

○按是時同爭拾遺者尙有僉都御

史王洪訓大理少卿曾乾亨禮部郎中何喬遠主事  
洪啟睿等見明史紀事本末

于孔兼傳謫孔兼安吉判官泰來饒平典史○按是時  
左都御史李世達有請宥泰來等一疏不聽見明史  
記事本末

孔兼投牒歸○按魏忠賢亂政時以孔兼曾救南星惡  
之遂削籍崇禎初乃復見明史紀事本末

再從弟仕廉○按仕廉官登萊副使時修萊州城其後  
三十餘年叛將余九成等攻之七月城堅得不破見  
明一統志

史孟麟傳且救御史劉光復○按光復初指斥東林又

排擊李三才及挺擊事起光復廷諍下獄上怒叵測  
孟麟至是疏救光復得減死見明實錄

辭敷教傳敷教上言時來壅遏言路○按是時敷教方  
觀政在部因有是疏見明實錄

劉元珍傳盡黜政府私人錢夢皋等○按是時詔留被  
黜給事中錢夢皋御史錢一鯨等見明史紀事本末  
近見夢皋有疏每以黨加人○按三十一年九月夢皋  
承一貫指與給事楊應文以楚假王疏劾侍郎郭正  
域并及次輔沈鯉於是正域罷會妖書事起夢皋遂  
直指正域并及鯉至是年四月夢皋復論楚事請削  
正域籍并誣純黨庇元珍遂抗疏劾之見明史紀事

本末

給事御史侯慶遠葉永盛等亦爭之不從○按是年四月元珍疏未上之先大理少卿徐宗濬給事中侯慶遠御史孔貞一等皆疏劾夢皋不報見明史紀事本末

時員外郎賀燦然南京御史朱吾弼相繼論察典○按是時燦然言被察科道與溫純皆當去吾弼與南給事中陳良訓御史蕭如松各論拾遺尙書王基給事錢夢皋鍾兆斗必不可留并論沈一貫交結近侍之罪見明史紀事本末

列傳第一百二十

魏允貞傳俄劾兵部尙書吳兌○按允貞劾兌先結高拱張居正又餽馮保千金且以軍械火器私遺俺答不可典中樞見明實錄

吏部尙書李戴至請下允貞疏平議○按是時給事御史許子偉何熊祥等交章乞下部院疏亦不報見明實錄

王國傳國與同官魏允貞雷士楨及給事中王繼光孫煒牛惟柄張鼎思抗言不可○按晟馮保所受書者也保強居正薦之居正卒保亟請帝召晟入輔國等交章攻之因乘保病放歸見獻徵錄

余懋衡傳言官亦爭論永○按三十四年三月大學士

沈鯉朱賡亦言秦人恨永甚宜撤之不報見明實錄  
乃教永誣劾咸寧知縣滿朝薦○按是時永誣劾朝薦  
承懋衡指遮劫貢物帝怒曰御史酖無恙而朝薦代  
爲報復耶遂逮之見明實錄

朝薦被逮○按是時藍田令王邦才積忤永因與朝薦  
并被誣逮見明史紀事本末

李三才傳歛人程守訓以貲官中書爲陳增參隨縱橫  
自恣○按三才未劾守訓之先御史劉曰梧嘗疏劾  
之鹽務少監魯保亦奏守訓等阻塞鹽課帝皆不報  
見明實錄

又謂一貫慮沈鯉朱賡逼己○按鯉將入閣一貫深忌



明史紀事本末  
之欲諷鯉辭召命貽書三才曰歸德公來必奪吾位  
何以備之歸德鯉邑名也三才答書言鯉忠直無他  
賜勸一貫同心一貫由是并憾之見明史紀事本末  
大學士葉向高言三才已杜門待罪宜速定去留爲漕  
政計○按三十八年五月吏部主事王三善乞勘三  
才不報見明實錄

三才旣家居○按三才家居後御史孫居相有薦三才  
一疏見明實錄

起南京戶部尙書○按是時樞輔孫承宗以遼東經略  
薦三才遂有南戶部之召見明史紀事本末

列傳第一百二十一

姜應麟傳應麟首抗疏言禮貴別嫌事當慎始○按明實錄應麟疏首有正名定分國本所以安別嫌明微君道所以正四語故疏末有誠欲正名定分云云正與疏首相應

則禮既不違情亦不廢○按明實錄所載應麟奏疏情亦不廢句下尙有長幼之分明而本支之義得矣二語

吏部員外郎沈璟刑部主事孫如法繼言之並得罪○按明實錄璟謫三級得行人司司正如法得廣東潮陽典史如法事並詳孫鑑傳

會吏部數以推舉建言諸臣得重譴○按明實錄應麟

嘗言四事一慎守掌一謹出納一議耗糧一禁科刻  
李獻可傳大學士王家屏封還御批○按家屏封還御  
批言詳閱疏詞奏請豫教當早宜納其言卽不然宜  
貸其過而遽加降罰竊恐轉滋爭論煩聒無寧時詳  
見明實錄

王學會傳饗餐弗給

餐改  
嬗

列傳第一百二十二

盧洪春傳東陽人○按洪春畿輔通志作涿州人父仲  
佃嘉靖三十五年進士

先是慈寧宮災給事中鄒元標疏陳六事忤帝意○按  
慈寧之災卽在十一年冬元標六事不盡傳大旨謂

臣進無欲之訓陛下試自省果無欲耶寡欲耶誠宜翻然自省加意培養見元標傳

帝集內豎三千人○按張學顏傳作內豎二千人

一日使執銳衣堅

旦日改

○按一日原疏作一旦

李懋檜傳若陳三謨曾士楚者○按三謨爲御史士楚吏科給事中庶僚則艾穆沈思孝並爲主事新進書生則吳中趙用賢及鄒元標也見各本傳

李沂附傳逐一給事中三御史○按給事爲兵科黃道瞻御史則孫繼先曾乾亨等並見明實錄

十七年帝始倦勤章奏多留中不下○按本紀十五年申時行請發留中章疏則不始於十七年也紀傳互

異

巡茶御史鍾化民

巡茶改茶馬

○按職官志御史巡視出外

陝西有茶馬一缺化民傳亦作茶馬

河東有秦漢二壩弘禰請以石爲之濬渠北達鴛鴦諸湖○按寧夏河西本有石築漢唐壩又有籌利渠弘禰所奏秦漢二壩蓋援河西石壩一例築石又於籌利渠外更作一渠以達於鴛鴦湖見寧夏志

雒子仁傳父遵○按遵舉嘉靖四十四年進士見陝西通志

俱貶三秩調外○按遵之劾綸在萬厯四五年間保敗後復起御史巡按四川嘗憾都御史趙錦假條奏劾

之朝議不直遵交章論列調遵外任後累進光祿見  
趙錦傳

巡撫四川○按遵撫四川時極奏采木之害見明史紀  
事本末

此疏不可發外○按神宗以疏授時行必欲嚴譴于仁  
時行反覆勸解以疏繳置御前者三請無發外然于  
仁雖不得罪而章奏留中實自此始見郭子章所撰  
時行傳

馬經綸附傳陝西織花絨購回青擾民宜罷○按陝西  
歲貢羊絨四千匹時奉命改織盤綾又降格柘黃暗  
花二則每匹長五丈八尺日織一寸七分半年得匹

回青出自西域故亦令陝西購之見明史紀事本末  
及呂坤文集

劉綱傳京察坐浮躁調外任○按李戴爲吏部尙書以  
二十七年主京察徇當路之意以綱及中書舍人丁  
元薦評事龍起雷並置察典時議皆以譏戴見明實  
錄及李戴本傳

戴士衡傳擢吏科給事中○按士衡爲給事時方用師  
朝鮮集水陸兵於天津以資應援士衡言河間州縣  
多棄地請人給田五十畝畀牛種以耕一年而罷餉  
三年而田可盡闢從之見明實錄

曹學程傳始用朱賡言謫戍湖廣寧遠衛○按皇后傳

李太后憐學程母老言於帝釋之宦官傳又云陳矩密白之得釋彼此互異

翁憲祥傳憲祥極言非制弘綱貶官芳亦被責○按本紀憲祥疏言撫按宜候命俟代不報許弘綱楊芳二人貶官被責部科自以成例議行也

吏禮二部長貳遂無一人至俱以人言注籍○按時喬署吏部道賓署禮部兵部爲李化龍戶部趙世卿刑部沈應文王汝訓以侍郎署工部詹沂以副都署都御史並見七卿表

罪人陳用賓等已論死○按用賓爲雲南巡撫以三十五年阿克作叛次年被逮論死見明實錄



列傳第一百二十三

王汝訓傳應參爲民○按是時刑部尙書趙煥以議應參罪輕遂失帝意引疾放歸見明實錄

張養蒙傳如冬官一曹

至

數月虛位○按是時工部尙

書李戴憂去以侍郎徐作署事冢宰孫丕揚於二十四年八月病免至二十五年二月始召蔡國珍代之並見七卿表

於是鄭一麟以千戶而妄劾李盛春

劾下增孫鑛王虎以中官而妄劾十

字

得以制巡撫之命

刪以字

一璫得志諸璫效尤

改從此諸璫效尤

撫按斂手

撫按改  
監司

何有於監司從此陛下之赤子

刪何有於監  
司從此七字

○按一麟

所劾者爲孫鑛鑛時爲薊遼總督又明史紀事本末  
萬厯二十四年九月太監王虎論保定巡撫李盛春  
阻撓開采下旨切責原疏本作一麟以千戶而妄劾  
孫鑛王虎以中官而妄劾李盛春故下文並言閹人  
武弁此於編纂時各脫半句并作一事殊誤

孟一脈傳由邊臣相繼爲本兵○按是時張學顏爲本  
兵其前吳兌梁夢龍方逢時王崇古譚綸並由邊塞  
督撫內擢見明實錄

何士晉傳無何劾左都督王之禎○按李戴翁憲祥傳

並作王之楨與此互異

瑞王將婚

至

費當十九萬○按福王傳婚費至三十萬

瑞王傳作十八萬與此互異

王曰乾○按光宗本紀作王曰乾與此互異

何士晉附傳王之案發張差事

至

張差何人○按大受

上疏時已爲戶部郎中王之案傳又作行人司正蓋大受以郎中兼司正也見要典傳彼此偏舉

奈何不嚴禁而速斷耶

禁改竟

○按原疏作嚴竟

郭妃卜葬諸事○按郭妃爲皇太子妃卽光宗后以萬厯四十一年薨見皇后傳

王德完傳令賊不敢窺邊

賊改敵

半歲章數十上○按是時陳州衛軍譟朝議欲事姑息

從德完言梟其渠數十人軍士爲之稍戢見明實錄

四川妖人韓應龍

妖改奸

言近歲寧夏用兵費百八十餘萬○按宦官傳云寧夏

用兵費帑金二百餘萬與此互異

楊鎬李如禎喪師論死

禎改禎

○按李如禎爲成梁子附

見成梁傳此誤禎爲禎

蔣允儀傳移嘉興○按蔣允儀宰嘉興時民方困於賦

役允儀悉心訪求釐正其弊作均田法上之當事民

乃得甦見嘉興縣志

疏直其同罪佚罰

直改詆

主察者鄭繼之李誌也

誌改

○按是時繼之長吏部誌

攝都御史士諤爲考功紹吉爲吏科給事浚爲河南道御史此作誌誤

鄒維璉傳又以江西有吳羽文例不當用○按羽文時爲考工主事見明實錄

明史攷證攬逸卷二十二